



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

DLXX. Der Rath der Altstadt Salzwedel stellt dem von ihm zum Klausener bei den sieben Eichen eingesetzten Bruder Hans Frese eine Empfehlung für seine Pilgerfahrten und Almosensammlung aus, am 20. ...

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

nicht touorgetende, wente id hir der Stad eyn grot swar seade mit dem buwe van den Nigenster dorch vnkost wart angebracht.

Nach ungeschrieblicher Notiz im Salzw. Archiv VIII, 3.

DLXX. Der Rath der Altstadt Salzwedel stellt dem von ihm zum Klausener bei den sieben Eichen eingesezten Bruder Hans Frese eine Empfehlung für seine Pilgerfahrten und Almosensammlung aus, am 20. März 1509.

Vor allermennichligen, watte werdicheid, ordens, grades, states vnnnd vorwesendes, geistlich vnd werltlich de syn moghen, de dusse vnse scrifte sehn, hornn ofte lesen vnnnd hir mede bosocht werden, Bokennen wy Borgermeister vnd Radmanne der olden Stad to Soltwedel nach irbedinghe vnser fruntligen, willigen, steden denste openbar botugende mit duffem breue, dat wy dussen iegenwardighen Broder hans frese, hebber vnd wiser vnser scrifte, jn an vnnnd to eynem klusener jn vnse cluefz hufz vor vnser Stad, by den Seuen Eken bolegen, up vnd an genamen hebben vnd om jngedan dar uth vnd van wege vnd stege vmme den trend na der wilfznack lopende broderlige tobowende, tobeterende vnnnd jn wesende toboholdende vnd zo hie von den synen sodane todonde vnnnd to holdende. So ok dat fulste kluesbuefz jn synem gebuweten fere buwellich, gantz swach vnd vmechtich isz, heft hie vnz Biddende angefallen om to gunnende, van framen mynschen hulpe vnnnd hantreckynge dar to tobiddende, om dar to ock gunst, gude forderinge vnd vorbiddent mughten irtegen. Wurvmme Bidden wy eynen iderman, den dusse vnse scrifte vorkomen vnnnd de dar mede bosocht werden, fruntlich biddende, gy genanten Broder hans frese Almissen tobiddende vnd jn allen synen rechtuerdigen saken gunstich vnd fordelich syn, om nach vormoge, hulpe vnd almissen mede deylenn, jn gutlichen entfangen vnd van juw wifen, On ock vor vnrechte, gewalt vnd ouerfaringe vorhegen, boschutten vnd beschermen, hufen vnnnd herbergen willen, dat willen wy vmme eynen iderman jm geliken ofte vele grottern alle ud gernn wedder vordenen, Och erst vnd latest dat lon van gade deme almechtigen dar vor to entfangende. Desses allen to Bokantnisse bebben wy Borgermeister vnd Radmanne upgedacht, vnse der Stadt Secret wiliken hangen heten an dessen breff, na cristi vnser hernn gebort vestteyghnhundert Jar, dar na jm negenden Jare, Am dinxdage na Letare jn der hilgen vasten.

Nach dem Originalte des Salzwedeler Archives VI, 29.